



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viridarivm Sanctorvm

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindelicorvm, 1607

S. Salamanes Solitarius.

urn:nbn:de:hbz:466:1-43013

* *Cyrius*
oppidum
Syria.

VIR quispiam * Cyri fuit, cui Mausima nomen, Syrus lingua, qui inter agrestes educatus, ad magnum virtutum splendore naturæ ductu peruenit: vnamq; tunicam adhibuit, quæ si rupta esset, alteram non parauit, sed eandem semper refarsit, itaque corpus texit. Hospitalis adeo fuit, vt peregrinis omnibus & pauperibus fores illius paruerint semper. Vasa duo habuisse fertur, frumenti alterum, alterum olei, vnde omnibus egentibus eadem benignitatis copiâ (nunquam defectis oleo doliis) qua Sareptana quondam vidua fruebatur, victum præbebat. Omnibus enim, qui eius implorabant opem, succurrit Deus, velutq; hydriam illam & .: lecythum fluere iussit, sementemque hospitalitatis manipulis & segete compensauit, ita huius admirandi promptam liberalitatem pari munificentia rependit. Vita benè sancteque transactâ ad Dominum emigravit.

μαρτυριον

ANNOTATIO.

PLura de hoc Theodoretus in patrum historia cap. XIII. qui eum appellat Mæsimam.

ej. Ianuar.

S. SALAMANES Solitarius.

Vicus

Vicus est ad Euphratem fluuium versus occidentem situs, Capersana dictus, vnde originem ducit Beatus hic Salamanes, qui vitam sectatus quietam vltra vicum, mapale reperit, quo se, & ianua, & fenestra obstructis, abdidit, semelque tantum, per fossâ terrâ, alimenta pro toto anno admisit. Urbis ergo pontifex, cum de viti virtute audisset, ad illum adiit, vt illum sacerdotio initiaret, parteque ædiculæ deiecta, ingressus manus illi imposuit, preceque rite facta, multis eum affatus, sacerdotium oblatum denunciauit. Sed nulla voce expressâ, Episcopus abiit, imperauitque vt apertam illam rursum clauderent casulæ partem. Alio tempore vicani illi, vnde oriundus erat, traiecto per noctem flumine, illum rapuerunt, & in suum pagum neque obnitentem, neque verbo repugnantem, neque quicquam omninò cuiquam demandantem abduxerunt, similemque illi prioris ædiculam excitarunt, atque subito incluserunt, qui perinde ibi solitarius vixit, nunquam vllum allocutus. Post paucos exinde dies, illi pagani, qui è regione vici colebant, noctu rursum superuenientes, cellulam perfoderunt, virumque nihil recusantem, nec signum vllum præ se ferentem, quod inuitus mansisset,

*Theodoretus histor.
SS. patrū.
C. XIX.*

fisset, vel volens discederet, secum trahunt, ita penitus seipsum, quasi viuum exhibebat cadauer, vocem quã illam Apostolicam re-
 & tissimè vsurpabat: *cum Christo crucifixus sum: viuo autem non iam ego, viuit verò in me Christus: quod autem nunc viuo in carne, in fide viuo filii Dei, qui me dilexit & tradidit seipsum pro me: ita ergo beatus Salamanes sensus suos vti nemo alius, ma-
 ctavit, in hoc studio ad mortem vsque constans perstitit, profectusque ad Dominum æternum agit triumphum.*

24. Ianua.

S. XENE SEV EVSEBIA, SIVE HOSPITA.

*Huius Acta
 ex Meta-
 phrasse le-
 ges apud
 Surium
 25. Ianua.*

PERbeata hæc Xene, illustrissima fuit vrbe Romã oriunda, loco in primis claro & inuidendo nata. Parentibus illam matrimonio collocare iam parantibus, ipsisque iam instructis nuptiis, ex ipso thalamo cum duabus ancillis profuga per mare ad Milassorum oppidum peruenit. Immo ductu venerabilis Pauli monachi, qui Alexandrię illi spectabilis apparuit, ad eam urbem appulit, vbi modico ad memoriam S. Stephani protomartyris extructo sacello, cum duabus ancillis & aliis quibusdam paucis virgi-